

Wateule wa Mungu

Basi, kwa kuwa mmekuwa wateule wa Mungu, watakatifu wapendwao, jivikeni moyo wa rebema, utu wema, unyenyekevu, upole, uvumilivu, mkichukuliana, na kusamebeana, mtu akiwa na sababu ya kumlaumu mwenzake; kama Bwana alivyowasamebe ninyi, vivyo na ninyi—Wakolosai 3:12, 13.

Upendo “haufurahii udhalimu, bali hufurahi pamoja na kweli.” Yeye ambaye moyo wake umejawa na upendo, anajawa na huzuni anapoonza makosa na udhaifu wa wengine; lakini ukweli unaposhinda, wakati wingu lililotia giza sifa nzuri ya mwingine linapoondolewa, au dhambi zinapoungamwa na kusahihishwa makosa, Yeye hufurahia...

Upendo hauvumilii tu makosa ya wengine, bali kwa furaha hukubali mateso au usumbufu wowote ambao unahitaji uvumilivu. Upendo huu “haushindwi na kitu.” Kamwe hauwezi kupoteza thamani yake; ni sifa ya mbinguni. Kama hazina ya thamani itabebwa na mmiliki wake kote katika malango ya jiji la Mungu.

Tunda la Roho ni upendo, furaha na amani. Mabishano na mashindano ni kazi za Shetani na tunda la dhambi. Ikiwa sisi tunataka kufurahia amani na upendo, lazima tuziondolee mbali dhambi zetu; lazima tupatane na Mungu na ndipo tutapatana sisi kwa sisi. Hebu kila mmoja na ajiulize: je! Ninayo neema ya upendo? Je! Nimejifunza uvumilivu na kuwa mwema? Talanta, kujifunza na ufasaha, bila kuwa na sifa hizi za mbinguni, zitakuwa hazina maana kama shaba iliayo na upatu uvumao. Inasikitisha kwamba hazina hii ya thamani inathaminiwa kidogo sana na kutafutwa kidogo sana na neno Lake...

Ikiwa hatutaki kujenga matumaini yetu ya mbinguni juu ya msingi wa uongo lazima tuikubali Biblia kama inavyosomeka na kuamini kwamba Mungu anamaanisha kile anachokisema. Hahitaji kitu chochote kutoka kwetu ambacho hatatupatia neema Yake kuweza kukifanya. Hatutakuwa na kisingizio cha kutoa katika siku ya Mungu ikiwa tutashindwa kufikia kiwango kilichowekwa mbele yetu na Neno Lake.

Tunaonywa na mtume: “Pendo na lisiwe na unafiki lichukieni lililo ovu, mkiambatana na lililo jema. Kwa pendo la udugu, mpendane ninyi kwa ninyi; kwa heshima mkiwatanguliza wenzenu.” Paulo angetutaka tutofautishe kati ya upendo ulio safi na usio na ubinafsi ambao huchochewa na roho ya Kristo na kuigiza kusiko na maana na udanganyifu ambao ulimwengu umejazwa kwa huo. Msingi huu bandia umepoteza roho nyingi.

Utaondoa tofauti kati ya wema na ubaya, kwa kukubaliana na mwasi badala ya kumwonesha kwa uaminifu makosa yake. Mwenendo huo hautoki katika urafiki wa kweli. Roho ambayo kwayo unachochewa inakaa tu katika moyo uongozwa na tamaa ya mwili. Wakati Mkristo anapokuwa mwema, mwenye huruma na kusamehe daima, hawezi kuhisi kupatana na dhambi. Atauchukia uovu na kushikamana na kile kilicho chema, akiachana na ushirikiano au urafiki na waovu. Roho wa Yesu atatuongoza kuichukia dhambi, huku tukihiari kujitoa mhanga ili kumwokoia mwenye dhambi (*Testimonies for the Church 5:169-171*).